



趙城縣廣勝寺

佛說阿難同學經

出增一阿含經

後漢安息國三歲安世高譯

聞如是一時婆伽婆在舍衛城祇樹給孤獨園。爾時舍衛城有比丘名掘多是尊者阿難少小同學。其愛敬念親昵未曾恚怒。然不樂修梵行。欲得捨戒還為白衣。是時阿難至世尊所到已。頭面禮足。在一面立。時阿難白世尊言。於此舍衛城有比丘名曰掘多。是我少小同學。不堪任修梵行。欲捨戒還為白衣。願世尊與掘多比丘說法。使於此現法中清淨修梵行。時世尊告阿難。阿難汝自往詣彼掘多比丘。所對曰。如是世尊。阿難從佛受教。便至掘多比丘。所世尊呼對曰。如是時掘多比丘。從阿難教。至世尊所。到已。頭面禮足。在一面坐。時世尊告掘多比丘。言云。何比丘汝。審不樂修梵行。欲捨戒還為白衣耶。比丘報言。審然。世尊所以然者。身熾盛。意亦熾盛。不堪任清淨修梵行。世尊告曰。比丘。女人有五穢行云。何為五比

佛說阿難同學經 第三卷 若字一

丘女人。是穢言語。虛穢無反復心。猶如玩地。常懷毒垢。此女人增益魔眾。難得解脫。亦如鈎鎖。女人不可親近。猶如雜毒。不可食。女人不可消。亦如金剛壞敗人身。比丘亦如火炎。猶彼阿鼻泥梨。比丘女人不可觀察。猶彼臭糞。比丘女人不可聽聞。猶如死鴛。比丘女人如牢獄。猶如鞞摩質。多牢獄。猶如比丘女人。是怨家。亦如玩地。比丘當遠離。猶如惡知識。比丘女人為恐怖。猶如村落。比丘人身難得。猶如優曇鉢花。比丘人身甚難得。猶如板一孔。推著水中。數萬歲。乃值其孔。比丘時亦難遇。除其八時。汝比丘已得人身。皆是本行所造。比丘佛世尊出世。甚難遇。猶如石女無子。比丘如來出世。甚難遇。亦如優曇鉢花。比丘已得人身。已得受具足戒。亦得入眾。猶如蒙草。國王亦為人說法。休息止觀。至涅槃界。至彼處。如來善說此法。汝比丘淨修梵行。當盡苦原。時彼比丘從佛受是教。戒即從坐上。无有塵垢。得法眼淨。時彼比丘即從坐起。頭面禮世尊。

足便退而去尔時彼比丘聞世尊說
是教戒在一閑靜處而自娛樂已在
閑靜處而自娛樂所以族姓子剃除
鬚髮者袈裟衣於如来所修無上梵
行盡生死原梵行已立所作已辦更
不復受母胎是時彼比丘即成阿羅
漢時尊者掘多至世尊所到已頭面
礼足在一面坐時尊者掘多白世尊
言世尊所教戒今已還覺願世尊聽
般涅槃時世尊默然不對尊者掘多
比丘再三白世尊言世尊所教今已
還覺願世尊聽般涅槃時世尊告曰
比丘今正是時彼比丘即從坐起頭
面礼足繞世尊三匝便退而去還詣
已房到已除去坐具於露地布坐具
便昇虚空現若干變化或化一身為
若干身或化若干身為一身或為石
鐵或為金對或為牆壁城郭或為高
山石壁皆過無尋出沒於地譬如流
水而无罣碍結加跌坐滿虚空中譬
如大火炎亦如飛鳥猶如此日月有
大威神有大力勢以手摩拔化身至
梵天於虚空中坐卧經行或現煙炎

身下出烟身上出火身上出烟身下
出火左出烟右出火右出烟右出火
前出烟後出炎後出烟前出炎舉身
出烟舉身出炎舉身出火時比丘還
般神足身就獨坐結加跌坐直身正
意繫念在前便入初禪從初禪起入
第二禪從二禪起入第三禪從三禪
起入第四禪從第四禪起入空處從
空處起入識處從識處起入不用處
從不用處起入有想無想從有想無
想起入想知威三昧從想知威三昧
起入有想無想不用處識處空處四
禪三禪二禪初禪復從初禪起入第
二禪第三禪時尊者掘多從第四禪
起便捨身壽於無餘涅槃界便般涅
槃時阿難供養尊者掘多舍利至世
尊所到已頭面礼足在一面立時阿
難白世尊言彼掘多比丘者從如来
受教戒在閑靜處而自娛樂所以族
姓子剃除鬚髮者三法衣已言堅固
出家學道修无上梵行盡生死原梵
行已立所作已辦更不受母胎世尊
彼尊者掘多已般涅槃世尊告曰甚

佛說阿難同學經 第五卷 若字
奇甚特阿難佛世尊成就無量智惠
能使掘多比丘濟生死淵此阿難如
來所行已足况度無數百千衆生濟
生死淵及餘當拔濟者是故阿難當
發慈意於佛於法於衆如是阿難當
作是學是時尊者阿難聞佛所說
歡喜奉行

佛說阿難同學經

佛說阿難同學經

校勘記

- 一 底本，金藏廣勝寺本。
- 一 三一四頁中一行經名，**資**、**磧**、**南**、**徑**、**清**作「阿難同學經」。卷末經名同。同行夾註「出增一阿舍經」，**資**、**徑**、**清**無；**磧**、**南**作「增一阿舍」。
- 一 三一四頁中二行譯者，**資**、**磧**、**南**、**徑**、**清**作「後漢三藏法師安世高譯」。
- 一 三一四頁下六行「猶彼」，**徑**、**清**作「猶如」。
- 一 三一四頁下九行小字「阿須繫輪」，**徑**作正文。
- 一 三一五頁上九行「還覺」，**徑**、**清**作「逮覺」，下同。
- 一 三一五頁中四行「比丘」，**資**、**磧**、**南**、**徑**、**清**、**麗**作「彼比丘」。
- 一 三一五頁中五行第四字「身」，**資**、**磧**、**南**、**徑**、**清**作「即」。

- 一 三一五頁中一行第五字至第八字「知威三昧」，**資**、**磧**、**南**、**徑**、**清**作「知滅三昧」，下同。
- 一 三一五頁中一八行第二字「白」，**資**作「日」。
- 一 三一五頁中二〇行「已言」，**資**、**磧**、**南**、**徑**、**清**作「以信」；**麗**作「已信」。
- 一 三一五頁下五行「慈意」，**資**、**磧**、**南**、**徑**、**清**作「慈意」。